



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 103. Alberti Archiducis, & Isabellæ Conjugis suæ reditus in Belgium.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI.
A.C. 1599.

concessit : præterea ad preces Patris Procuratoris Generalis ex Ordine Fratrum Beatæ Virginis Mariæ de Monte Carmelo Clemens VIII. novo decreto die vigesima tertia promulgato declarabat, quod nec præfati Ordinis Fratres, nec quicumque alii Regulares uti valeant Bullæ, ut vocant, Cruciatæ privilegio, quo Confessarium præter eos, qui a suis respective Prælati designati sunt, pro absolutione a casibus Ordinario reservatis eligendi facultas concedebatur. Denique postrema Constitutione die decima octava Decembris edita declarabatur jurisdictio, ac facultas sanctæ Romanæ Ecclesiæ Cardinalis Camerarii.

§. CIII.

Alberti Archiducis, & Isabellæ Conjugis suæ reditus in Belgium.

Postquam Margarita Austriaca Caroli Archiducis Filia cum Philippo III. Hispaniarum Rege, nec non Albertus Austriæ Archidux cum Isabella Philippi II. Filia conjugium anno superiori per Procuratores vicarios Ferrariæ contraxerant, ac solemniter Valentia in Hispania confirmaverant, ratumque habuerant, Albertus cum sua Coniuge discessum in Belgium meditabatur, quapropter die octava Maji e portu cum

*Guicciard.
de bello Belgico l. 12.
Spond hoc
anno n. 7.*

L 1 3

qua-

Sæcul XVI.
A.C. 1599.

Thuan. l.

122.

*Harræus de
annal. Belg.*

quadraginta duarum triremium clas-
solvens secundis primo velis navigatio-
nem prosequatur, magis tamen in-
tum proventus tam adversam experie-
batur tempestatem, ut per integros se-
ptem dies cum fluctibus colluctatus zephy-
Barcinonam attingeret, ubi paucis die-
bus commoratus postea die septima Ju-
nii Genuam, ac die quinta Julii Mediu-
lanum pervenit, ubique summis hono-
ribus, publicisque lætitiæ signis excep-
tus, nec non a Francisco Dietrichstei-
nio Cardinali Pontificis Legato, atque
ab Angelo Badoaro Reipublicæ Venetæ
Oratore honorifice salutatus: inde die
vigesima secunda Julii profectus con-
tinuato per Helvetiam itinere, dein per
Alsatiâ in Lotharingiam progressus est,
ac demum ad Luxemburgensis Provin-
ciæ fines deductus Theodonis-Villam
Urbem Belgio confinem ingrediebatur:
cum vero Albertus, & Isabella Archi-
duces Brabantiaë finibus appropinqua-
rent, eos Nivellæ Mathias Hovius
Mechliniensis Archiepiscopus unacum
Antverpiensi, Villeriensi, & Grimber-
genfi Episcopis, aliisque Baronibus,
ac Viris dignitate, auctoritateque con-
spicuis, quos Provinciaë Ordines tan-
quam Legatos præmiserant, excepit,
Philippo Mosio nomine omnium pero-
rante: postmodum Archiduces Hal-
lam

Sæcul. XVI.
A.C. 1599.

lam ad Beatæ Virginis ædes fama religionis percelebres concessere, pro itinere feliciter confecto debitas perfoluturi grates. Percepto eorum adventu mox Andreas Cardinalis Austriacus, qui hucusque illorum nomine Belgii res pro summo Imperio procurabat, ab hoc onere liberari rogans, hujus Provinciæ administratione sese abdicavit, ac nonnisi exiguo Aulicorum comitatu stipatus, privatique hominis personam præferens postero mane per Gallias iter fecit, atque Aureliæ post repetitum, arcanumque colloquium de pace ineunda cum Henrico habitum, iter suum prosequebatur, mense Octobri ad medium vergente Mersburgum Constantiensium Episcoporum sedem reversus. Porro die quinta Septembris Archiduces Bruxellas ingressi primas eo curas intendebant, ut mutuo fidelitatis jure iuramento subjectas Provincias sibi devincerent: attamen præter tumultus a militibus ob stipendia nondum soluta excitados insuper Brabantia Ordines sua demore privilegia jactitantes obsequii Sacramentum novis Principibus dicere renuebant, nisi hi prius externos ab urbium, arciumque Præfectura arcerent: nihilominus ea tum erat rerum conditio, ut Archiduces horum postulatis plene satisfacere haud valerent; ne ta-



Sæcul. XVI.
A.C. 1599.

men illos minus contentos dimittere-
 ex Belgica Nobilitate præcipuos
 publicas, ac magis eximias evexerunt
 dignitates, & quidem Barlæmontium
 Comitem, quem jam antea ad referen-
 das Pontifici grates pro transmissio-
 pileo, ac rosa aurea Romam ablega-
 bant, Arthesiæ Governatorem, & Tho-
 rembergium Comitem maris Præ-
 ctum creabant; Crojus vero Hauræ
 Marchio ærario præficiebatur, plures
 que alii Nobiles variis officiis, ac
 que aurei velleris honorabantur. Sub
 idem tempus Ifenburgicus, & Mand-
 scheidus Comites unacum Nutzelio
 Rudolpho Cæsare ablegati in Belgium
 venerant, atque a Fæderatis Protestanti-
 bus publicæ securitatis literas eo sine
 expetierant, ut cum eis aut de pace,
 aut de induciis agere possent: verum
 hi nonnisi injurioso responso repulsi
 infecta ad Cæsarem reverti cogebantur,
 interim Archiduces Lovanium, ut tam
 ab ipsis, quam ab Ordinibus solemne
 diceretur obsequium, die vigesima qua-
 ta Novembris petebant: quod & altera
 die præstitum est, perorante Jacobo
 Bajo Theologo, postridie autem ambo
 Principes ibidem, ut celeberrimæ Aca-
 demię Alumnos ad literarum studia sua
 præsentia animarent, publica iustra-
 bant gymnasia, ac tum Richardoti Præ-
 fectis

Sæcul. XVI.
A C 1599.

fidis Filium in literaria palæstra decer-
tantem benignis excipiebant auribus, in-
super ad Justii Lipsii celeberrimi viri Scho-
lam inopinato accedebant, eumque e-
re nata aliquid ex tempore dicere jube-
bant; unde ipse mox insigni oratione
Plinii Panegyrii Trajano dictam inter-
pretabatur, & admodum apposite illud
illustre effatum Rudolphi I. Cæsaris im-
miscebat, dicere soliti: *Per Deum! fini-
te homines venire ad me; non enim ideo Im-
perator sum, ut in arcula includar, sed ut
tenuioris etiam fortunæ hominibus opituler.*
Demum Albertus unacum sua conjuge
ceteras nobiliores Belgii urbes perlu-
strans, Proceres, populosque sua pru-
dentia, morumque comitate tam arcte
sibi devinciebat, ut dubium relinque-
ret, an cum majori voluptate tam in-
genuis populis imperaret, vel an hi po-
puli cum alacriori obsequio tam
benigno Principi parerent.

